

16 MAR 2001

AGONG HANTAR PERUTUSAN TAHNIAH KEPADA PRESIDEN IRELAND

KUALA LUMPUR, 16 Mac (Bernama) -- Yang di-Pertuan Agong Sultan Salahuddin Abdul Aziz Shah dan Raja Permaisuri Agong Tuanku Siti Aishah hari ini mengucapkan tahniah kepada Presiden Ireland, Mary McAleese sempena Hari Saint Patrick.

Menurut satu kenyataan Wisma Putra, baginda berdua menyatakan harapan yang Presiden itu akan terus menikmati taraf kesihatan yang baik dan penduduk Ireland pula akan mendapat manfaat daripada pembangunan pesat negara itu.

Perdana Menteri Datuk Seri Dr Mahathir Mohamad juga menyampaikan tahniah kepada rakan sejawatannya Bertie Ahern dan berharap Malaysia dan Ireland akan berkerjasama dalam mencapai wawasan dan aspirasi demi kebaikan rakyat kedua-dua negara.

Dr Mahathir berkata, Ireland bertambah makmur di bawah kepimpinan Ahern dan yakin penduduk negara itu akan terus menikmati manfaat daripada dasar-dasar ekonomi beliau yang banyak menampakkan kejayaan.

Menteri Luar Datuk Syed Hamid Albar dalam perutusan tahniahnya kepada rakan sejawatan Brian Cowen berkata, Malaysia sentiasa menghargai hubungannya bersama Ireland dan akan terus membangunkan hubungan itu di tahun-tahun akan datang.

-- BERNAMA

NZ AHH PR